

**JAMHUURIYADDA
SOMALILAND**



**REPUBLIC OF
SOMALILAND**

**XAFIISKA GARYAQAANKA GUUD EE QARANKA
SOLICITOR GENERAL OFFICE**

FAAFINTA RASMIGA AH OFFICIAL GAZETTE

النشرة الرسمية لجمهورية صوماليلاند

Sannadkii 11aad

Cadad Gaar ah

*Tariikhda Daabacada
26/03/2022*

**XEERKA MAMNUUCIDDA ISTICMAALKA,
KAYDSIGA, SOO SAARIDA IYO GUDBINTA
MIINOYINKA LIDKA DADKA IYO
BURBURINTOODA
XEER LR.40/2009**

**Email: garyaqaankaguud@gmail.com
Web: www.garyaqaankaguud.com**

REPUBLIC OF



SOMALILAND

THE PRESIDENT

REF.
JSL/M/DECM/249-1530/052009

DATE
26/05/09

DECREETO MADAXWEYNE NO: 382 /052009

Madaxweynaha Jamhuuriyadda Somaliland

Markuu Arkay: Qodobka 90aad ee Dastuurka Jamhuuriyadda Somaliland.

Markuu Arkay: Qodobka 75aad ee Dastuurka Jamhuuriyadda Somaliland.

Markuu Helay: Go'aanka GW, Go'aan NO: 440 ee ku suntan GW/KF-8/440/2009 ee 17/01/2009 iyo Go'aan GG, Go'aan NO: 04/kal-fadhiga 37aad/03/09 ee 03/03/2009 kaasi oo ay ku ansixiyeen Xeerka Mamnuucidda Miinadda Lidka dadka ee Xeer Lambar 40/2009.

Wuxuu Soo Saaray

Xeerkan oo lagu baahinayo dhaqan-galka Xeerka Mamnuucida Miinada Lidka Dadka ee Xeer Lr. 40/2009.

Allaa Mahad Leh

Daahir Rayaale Kaahin
Madaxweynaha JSL





Ref: GWT/KF-8/440/2009

Date: 17/01/2009

Ujeedo: - Go'aanka Ansixinta Xeerka Mamnuucida Miinada Lidka
Dadka (Xeer LR.40/2009)

GOLAHA WAKIILADA JSL

MARKUU ARKAY:

Qodobka 38aad, faqradda 4aad xarafyada B&T & Qodobada 39aad, 18aad ee Dastuurka Jamhuuriyada Somaliland.

MARKUU DERSAY:

Axdiga Caalamiga ah ee mamnuucida, isticmaalka, kaydsiga, soo saarida iyo gudbinta miinada lidka dadka.

MARKUU TIXGELIYEEY:

Ahmiyada way nee ay leedahay in la helo xeer lagaga hortago waxyeellada miinada iyo walxaha kale ee qarxa.

MARKUU KU QANCAY:

In nuxurka xeerkani xambaarsan yahay ilaalinta xuquuqda muwaadiniinta iyo inuu kala qeexayo sidii loo kala sooci lahaa doorarka Hay'adaha ka shaqeeya miinada iyo waxyeeladeeda.

MARKUU U CODEEYEEY:

Fadhigiisii 17/01/2009 oo ay goob joog ahaayeen (43) Mudane oo ka mid ah Mudanayaasha Golaha Wakiilada

WUXUU

Cod aqlabiyad ah (34 cod) oo gacan taag ah ku Ansixiyay Xeerka Mamnuucida miinada Lidka Dadka Xeer LR.40/2009, halka ay ka diideen (3) Mudane, kana aamuseen (5) Mudane, Gudoomiyuhuna muu codayn sida caadada ah.

ALLAA MAHADLEH

Maxamed Xassan Kaahin (Keyse)
Xog. Guud ee Golaha Wakiilada



Maxamed C/laahi (Ciro)
Gudoomiyaha Golaha Wakiilada JSL

Golaha Wakiilladu:

- Markuu arkay:** Qodobada, 38aad, 39aad, 17aad iyo 18aad Farqadiisa 2aad Ee Dastuurka jamhuuriyada Somaliland
- Markuu dersay:** Axdiga Caalamiga ah ee mamnuucidda, isticmalka kaydsga, Soo Saaridda iyo gudbinta miinada lidka dadka (Axdiga Ottawa).
- Markuu arkay:** Go'aankii tirsigiisu ahaa **GW/KF-7/89/99**, ee 01/03/1999 kaas Oo uu goluhu kutaageeray axdiga Ottawa ee Mamnuucidda isticmalka, kaysiga, soo saridda iyo Gudbinta miinada lidka dadka
- Markuu qadariyay:** Ahmiyada weyn ee ay leedahay in lahelu xeer lagago Hortago Waxyeellada miinada iyo walxaha kale ee qarxa
- Markuu ku qancay:** In nuxurka xeerkan xambaran yahay illalinta xuquuda Nafeed, Jidheed iyo maskaxeed ee muwadiniinta JSL

WUXUU SOO SAARAY XEERKAN:



QAYBTA 1AAD

HORDHAC

QODOBO GUUD

Qoddobka 1aad

Micnaha Erray-bixinta

- **Aaladda lidka addeegsiga:** waxa loola jeeda aalad loogu talagalay in miinada lagu xafido oo ah qayb ka mid ah, ku dhegan ama miinada kaga xidhan xagga hoose, taas oo dhaqaajisa miinada marka cidu isku daydo in ay si lama filaan ah u farafayso ama si kas ah ugu ciyaarto.
- **Miinada lidka dadka:** waxa loola jeeda miinada si buuxda ugu qaraxda taabasho, ku joogsasho ama daaris oo ay ku jiraan walxaha kale ee dhagrigidda, carinta qaraxyada iyo miinada lidka gaadiidka ee saameynta oo kale leh, ha ku xidhnaato ama yaanay ku xidhnaan aaladda lidka addeegsiga, sidoo kale, qaybo ka mid ah miinada lidka dadka oo loo farsameeyay, loo badaley ama laga dhigay hub u qarxa sida miinada lidka dadka ama miinada lidka gaadiidka ee ku qaraxda cadaadiska ama culayska dadka, waxa loo aqoonsan yahay miinada lidka dadka.
- **Miino:** waxa loola jeeda walax qaraxda oo loogu talagalay dhulka hoostiisa ama meel korkiisa u dhaw ama meel kale oo bannaan, si ay ugu qaraxdo taabasho, cadaadis, kujoogsi, udhawaansho, kulayl dad, xayaawaan, gaadiid iwm. Oo keenaya qarax kala firdhid wax yeelo Jidheed ama Nafeed sababi karo, loona adeegsado ujeedo milateri.
- **Goob miinaysan:** waxa oola jeeda dhul halis u ah miino ku jirta ama loo tuhunsan yahay.
- **Axdiga:** waxa loola jeeda axdiga (convention) Caalamiga ah ee mamnuucidda, isticmaalka, kaydsga soo saarida iyo Gudbinta Miinadda Lidka dadka ee 18kii September 1997.
- **Xafiiska:** waxa loola jeeda xafiiska M/weyne ku xigeenku ee hawlaha miinada una igman masuuliyadda xeerkani.
- **Wareejin:** waxa loola jeeda in miinada laga qaado dhulka JSL laguna wareejiyo cid ilaalinteeda iyo haynteeda u xilsaaran oo aanay ku jirin dhulka miinada ku duugan tahay.

Qodobka 2aad

Magaca xeerka

Xeerkan waxa loogu yeedhaya xeerka Mamnuucidda isticmaalka kaydsga soo saarida iyo gudbinta miinooyinka lidka dadka iyo burburintooda

Qodabka 3aad

Fasiraad

Xeerkan waxa loo fasiraya si waafaqsan shareecada islaamka, xeerka kale ee dadka, iyo xeerka Caalamiga ah



Qodobka 4aad

Xadka Adeegsiga Xeerka

1. Xeerka waxa loo addeegsada qofka oo u dhashay Somaliland, oo jooga dalka dibaddiisa ama gudihiiisa.
2. Qofkasta oo ajenabi ah dalka ku jooga si sharci ah.
3. Dhamaan shirkadaha iyo haya'adaha ajenabiga ah ee ka shaqeya dalka gudihiiisa kana diiwaangashan.

QAYBTA 2AAD

MAMNUUCID IYO DEMBIYO

Qodobka 5aad

Hab-dhaqanka Reebban

1. Marka laga reebo tilmaamaha qoddobka 8aad ee Xeerka waxa Reebban in qofna:
B) Adeegsado Miinada Lidka dadka
t) Curiyaho, sameeya, soo saaro ama farsameeyo miinada lidka
j) Helo miinada lidka dadka
x) Haysto, lahaado, xafido ama kaydsado miinada lidka dadka
kh) Iibiyo, soo iibsado, ka ganacsado, bixiyo, qaado, ama u wareejiyo cid kale si toos ah ama dadban miinada lidka dadka
2. Marka laga reebo tilmaamaha qoddobka 8aad ee xeerkan, waxa reebban in qofka ku caawiyo, ku dhiirigaliyo ama ku booriyo qof kale, inuu si uun ugu kaco falalka lagu reebay faqrada laad ee Qodobkan.

Qoddabka 6aad

Dembiyo iyo ciqaabo

1. Haddii aan xeerka ciqaabta guud ama xeerka kale oo ciqaabeed si ka duwan u nidaamin, qofka kasta oo ku kaca falalka ku xusan faqrada qoddobka 5aad ee xeerkan waxa lagu ciqaabaya:
b) Haddii falalkaas uu galay qof ama tiro dad ah, waxa lagu ciqaabayaa xadhig u dhexeeya hal (1) sanno ilaa saddex (3) sanno ama ganaax u dhexeeya hal milyan ilaa laba milyan shilin (1,000,000-2,000,000 SH.SL.)
t) Haddii falalkaas midka mid ah uu ku kacay urur, hay'ad ama maamul kale oo shaqsiyad qaanuuneed leh, waxa lagu ciqaabaya ganaax u dhexeeya shan ilaa toban milyan shilin (5,000,000-10,000,000 SH.SL.)
2. Marka falalka ku xusan faqrada qoddobka 5aad, qofka ku galay ogaanshaha ama oggolaanshaha maamulka uu ka tirsan yahay ama masuulka ka yahay, ama ku dhaco falku taxadar-daro ama dhayalsi, masuulka maamulka, ciqaabtu ku xusan faqradda laad, xubinta (b) ee qodobkan, waxa wada



mutaysanaya maamulka iyo qofka falka ku kacay, waa marka falka galay xarumaha ama dhismayaasha ama gaadiidka ama qalabka ama goob kale oo hoos timaada awoodaha maamulkaas.

3. Haddii aan xeerka ciqaabta guud ama xeer ciqaabeed oo kale si ka duwan u nidaamin, qof kasta oo ku caawiya, ku dhiirigeliya ama ku booriya ama si uun ugu fudeeyo qof kale inuu galo falalka ku xusan faqradda qoddobka 5aad, wuxuu mudanayaa ciqaabta ku xusan farqada 1aad, xubinta (t) ee qoddobkan.
4. Haddii aanu xeerku si ka duwan u sheegin, qofkasta oo ka mid ah kuwa ku xusan Qoddobka 8aad ee xeerkan oo si aan sharciga waafaqsanayn ugu dhiiba, ugu wareejiya, uga iibiya qof kale si uu u adeegsado, uga ganacsado, u wareejiyo, u lahaado, u kaydsado miinada lidka dadka ama u dayaca si ay gacanta u gali karto qof ku gala falalka ku xusan qoddobka 5aad, wuxuu mudanayaa ciqaab ta ku xusan farqada 1aad, xubinta (b) ee qoddobkan.
5. Xukun kasta oo ku saabsan dembiyada xeerkan, waxa weheliya ku wareejinta miinada marag muujinta dembiga ah xafiika qaranka ugu xilsaaran miinada si loo burburiyo.

Qoddobka 7aad

Addeegsiga xuduudaha dalka ka baxsan

1. Hab dhaqanka ku xusan Qoddobka 5aad, waxa lagu dhaqayaa fal-dembiyeedka ka dhaca dibedda xuduudka dhul jamhuuriyadda Somaliland ee ay gaystaan, cid (qof, xafiis, urur, hay'adda, shirkadda iwm.) oo degan jamhuuriyada Somaliland.

Qoddobka 8aad

Ciqaab ka reebbid

1. Tilmaamaha qoddobada 5aad iyo 6aad laguma dhaqayo xubin/xubno ka tirsan ciidanka millateriga, booliska, garsoorka ama hay'adaha wax-ka-qabadka miinada u xilsaaran ama qof(cid) kale oo xafiisku qoraal ugu xilsaaray muddada ay socoto hawl ay ujeeddadeedu tahay.

b) Baadis fal dembiyeed miinada la xidhiidha

t) In uu miinada lidka dadka ka dhigo mid aan waxyeello keeni Karin

j) inuu u xafido si mustaqbalka loo burburiyo

x) In uu uqaado miinada xafiis ama xarun lagu burburiyo ama lagu kaydiyo

kh) In uu u fuliyo hay'adaha ama maamulada ama dadka ku xusan farqadan ee qoddonka hawshooda sharcigu u xilsaaray.

2. Waxa kale oo tilmaamaha Qoddobada 5aad iyo 6aad ku xusan ka Reebban, qof kasta ama maamul kasta, (sida ciidamada qalabka sida) oo xafiisku si dharci ah ugu ogalaaday in uu miinada u adeegsado sabab la xidhiidha.

- Cimi baashis

- Ama waxbarasho

3. Wasaarada gaashandhiga iyo hay'adaha kale ee hawlaha miinadda ka shaqeeya waxay soo codsanaysa xaddiga miinadda ee ee faqradda 2aad ku xusan, waxaana u oggolaanaya xafiiska hawlaha miinadda qaranka isla markaana xafiiska codsiga ay soo gudbisato wasaaradda gaashaandhiga iyo hay'adaha kale hawlaha miinaddu sidiisa ayuu u oggolaan karaa, wax buu ka bedeli karaa, wuuna diidi karaa.



QAYNTA 3AAD

WAX-KA QABASHADA MIINADA

Qoddobka 9aad

Soo sheegista miinada lidka dadka

1. Qofka kasta ogaada miino loo haysto sifo ka baxsan sifaha qoddobka 8aad uu dhigayo, waa in uu si degdeg ugu war geeyaa ama u ogeysiiya ciidanka booliska Somaliland, ciidamada qalabka ama hay'adaha wax ka qabashada miinada u xilsaaran si ay tabaabushe uga sameeyaan soo qaadisteeda iyo burburintooda.
2. Ciidamadda iyo hay'adaha ale ee u xilsaaran miinaddu wey gali karaan meelaha looga shakiyo ama lagu ogaado inay yaalan miinadda ama walxaha ale ee qarxa si ay ula wareegan una burburaan.
3. Ciidamadda ama cidda kale ee ku xusan faqrada 2aad ee qodobkan waa in ay sitaan oggolaansho (warrant), sharciyeysan.
4. Haddii ay ugu muuqato ciidamada ama hay'adaha miinnada u xilsaaran inuu oggolaanshuhu (warrant) fashilinaayo qabashada ama ogaanshaha miinadda ama walxaha kale ee qarxa way gali karaan oggolaansho la'aan, meelaha lagu tuhmayo in ay miinadu taallo.

Qoddobka 10aad

Burburinta miinada lidka dadka

1. Xafiisku wuxuu xaqiijinaya burburinta:
 - B) Dhammaan kaydka miinada lidka dadka ee ay mulkigeeda leedahay ama haysato jamhuuriyadda Somaliland ama xudduudkeeda dhul ku jira ama ay amarkeeda leedahay muddo aan ka badnayn (4) sanno ka dib dhaqan-galka xeerka
 - T) Dhamaan miinadda lidka dadka ee ku jira goobaha miinaysan ee xudduuda dhul ee jamhuuriyada Somaliland gudaheeda ku yaala waqtiga ugu dhakhsaha badan ee suurtagal ah oo aan ka badnayn muddo (10) sanno ka dib dhaqangalka xeerka,
 - J) Dhamaan miinada lidka dadka ee lagu soo war-geliyo ama lagu keeno in burburiso.
2. Miinada marka la soo saaro ama la soo qabto, waa in lala socodsiiya xafiiska dhexe ee miinada, kaas oo marka la diiwaangeliyo Lana hubiyo ogolaanaya in la burburiyo.
3. Burburinta miinada waxa goob-joog ka noqonaaya sarkaalka ka tirsan ama ka wakiil ah **xafiiska** dhexe ee miinada oo aqoon u leh arrimaha miinada.
4. Miinada waa in lagu burburiyaa goob ku haboon, oo la hubiyay in aanay dadka iyo deegaanka midna dhibaato ugu imanayn.

Qodobka 11aad

Calaamadinta, hilaadinta, iyo xafidaada miinada

1. Dhamaan goobaha miinaysan ama lagu tuhunsan inay miino ku jirto, waa in sida ugu dhakhsaha badan loo calaamadiyo loona xayndaabo ama dayro, hadii kale waa in loo adeegsada hab kale oo



suurogal ah, si ay dadka rayidka ahi uga war helaan in meesha miino lidka dadka ku jirto, lana ilaaliyo inta laga sifaynaayo ee la burburinaayo Dhamaan miinada lidka dadka ee goobta ku jirta.

2. Calaamaduhu ugu yaraan waa inay waafaqsanaadaan **Xeerka Nidaamiyaha (protocol)** kabka axdiga mamnuucida iyo xadidaada addeegsiga miinooyinka iyo aaladaha kale ee isbadalka lagu sameeyey 3dii may 1996kii ee lifaaqa u ah axdiga qaybtiisa mamnuucida iyo xaddidaada addeegsiga noocyo cayiman oo hubka ciidmada ah oo keeni kara dhaawacyo halis ah, yeelana kara waxyeelo baahsan oo cid walba gaadha.
3. Waa in la sahamiya gobkasta oo miino ku duugan tahay iyo goob kasta oo miino looga shakisan yahay, iyadoo sahanku noqonayo mid sugan oo si guud oo furan ay u heli karaa cid kasta oo hawlo miino ku saabsan fulinaysa
4. Miino kasta oo la calaamadiyo ama la soo saaro waa in goob ahaan ama miino ahaan loo xafido, loona diiwaangeliyo.

Qoddobka 12aad

Kaalmaynta dhibbanaha iyo wacyigelinta halista miinada

1. Xafiisku waa inuu qaada tallaabo kasta oo suurto gal ah sidii uu ugu fidin lahaa daryeel caafimaad, dib-u-dejinta iyo bulshada dib ugu celin dhibanayaasha miinada waxyeelaysay.
2. Xafiisku waa in uu markasta ka wacyigaliyaa dadka rayidka ah sidii ay ugu noolaadan degaannada miinadu ku jirto iyo sidii ay uga digtoonaadan khataraha kaga soo fool yeelan karta miinada iyo xoolahooda, si ku wajahan qorshaha iyo siyaasadaha qaran ee miinada.
3. Xafiisku waa inuu baadhaa shilalka waxyeelada geystay ee miinada, sababaha ay ku dhaceen, hadii cidii masuuliyadeeda lahayd waa in uu si xeerkan waafaqsan, dhibanaha ugu raadiya daryeel caafimaad iyo cawil celin ama mag-dhaw ku haboon oo shareecada islaamka waafaqsan.
4. Xafiisku wuxuu hubinaya inay hawl-waddeenada wadaniga ah ee ka hawl gala hay'adaha miinada ee ku waxyeeloobay hawl miino ka helaan hay'adahooda daryeelka caafimaad, mag-dhaw iyo dib u dhaqangalin xaaladahooda ku haboon.

QAYBTA 4AAD

LA SOCOD IYO DABAGAL

Qodobka 13aad

La Socodka wadaniga ah

Xafiisku wuxuu la soconaya dhaqan-galinta xeerkan iyo axdiga lagu dhaqangaliyay, isagoo kormeer sugan ku sameynaaya hawl kasta oo hoos timaada.

Qoddobka 14aad

Guddiyo xaqiiqo-raadin

1. Guddiyada xaqiiqi-raadiska ah ee Caalamiga ahi dalka wey iman karaan, waxase waajib ah inay marka hore xafiiska ka helaan ogolaansho si ay hawl-galo xaqiiqo-raadis ah ka fuliyaan dhulka J/Somaliland, una hubiyaan in ku dhaqanka xeerkan sidiisa u fulay.
2. Xafiisku waa inuu u fududeeya guddiyada xaqiiqi-raadiska ah, hawlhooda isaga oo tallaabooyinkan qaadaya
 - o Tallaabooyinka loo baahan yahay ka qaadaya soo dhaweynta, gadiidka iyo hoyataanka xubnaha guddida.



- Xaqiijinaya nabad -gelyada gudida ilaa Xadka ugu sareeya ee suurto-gal ah muddada ay joogayaan dalka.
 - Bixinaya oggolaanshaha guddida loo siiyoo inay keensadaan qalabka ay uga baahdaan macluumaad urursiga.
 - U fududeynaya guddida xaqiiqi-raadiska ah in ay la kulmaan dadka ay u arkaan la kulankooda inay macluumaad hawshooda la xidhiidha ka helayaan ama u booqdaan goob kasta oo macluumaad kaga xidhan yahay.
3. Marka ay S/land dhaqan galiso axdigan, marka faqrada ku saabsan dhismaha wufuuda xaqiiqo raadinta Caalamiga ah ee ku xusan qodoobka 8aad ee axdigu way laasimayaan.
 4. Guddiyada xaqiiqo raadiska ah uma banana inay ku xad gudbaan madaxbannaanida J/Somaliland.

Qodonka 15aad

Warbiximaha xafiiska dhexe ee miinada

Xafiisku wuxuu uga war-bixinayaa Baarlamaanka sanadkiiba hal mar geeddi-socodka lagu dhaqan-gelinayo xeerkan iyo xaaladda guud ee hawlaha miinada ee dalka, taas oo xambaarsan xogo faahfaahsan oo ku saabsan:

1. Tirada guud ee Dhammaan miinada lidka dadka ee dalka ku jirta, miinada la soo saaray, miinada la burburiyay, miinada la kaydiyey ee ay mulkiday Jamhuriyadda Somaliland, goobaha miinaysan, sida wax looga qabtay, khasaaraha ay gaysatay iyo macluumaad kasta oo kale oo la xidhiidha miinada.
2. Ilaa Xadka ay suurto-gasho, jiddaha ay kuyalin Dhamaan goobaha miinaysan ee la hubo ama loo tuhunsan yahay inay ku aasan tahay minada lidka dadka ee geyiga J.S.L oo ku jiraan tirada nooc kasta oo miino lidka dadka ah ee ku aasan Goob kasta oo miinaysan iyo xiligii la dhigay iyo qorshaha soo saaristeeda.
3. Xaaladda barnaamijyada u degsan burburinta miinada lidka dadka oo waafaqsan Xeerkan iyo axdiga Caalamiga ah Oo ay ku jiraan faahfahinta nidaamyada loo Adeegsan doono burburintooda, meelaha ay ku kala yaliin goobaha lagu Burburinaayo xeerka nabad-gelyada dad iyo deegan ee ay tahay in lagu Dhaqmo.
4. Noocyada iyo tirooyinka Dhamaan miinda lidka dadka ee la burburiyay Kadib, dhaqan-gelika xeerka, oo ay ku jiraan faahfaahinta tirooyinka noockasta oo miinada lidka dadka ah ee la burburiyey, sida waafaqsan xeerkan.
5. Sifooyinka farsamo ee nooc kasta oo miinada lidka dadka ah ee marka gacanta Ugu jirta ama ay leedahay mulkigooda jamhuuriyada Somaliland iyo noocyadda xogahaas oo fududayn kara, ugu yaraan, astaynta iyo sifaynta miinada lidka Dadka Xogahaas waa inay ku jiraan cabirida fuyuusyadaada, xadiga qarxiye, xadiga birta ah, sawiro midab leh ee xogaha kale ee sahalaya miino sarka.
6. Tallaabooyinka laga qaaday si dadwaynaha loogu fidiyo digniin degdeg ah oo Wax ku-ool ah ee la xidhiidha Dhammaan goobaha miinadu ku jirto ama lagu Tuhunsan yahay iyo talaabooyinkan laga qaaday sidii dad waynaha loogu fidiyo waxbarashada halista miinada iyo kaalmaynta dhibbanayasha miinada ee ku xusan xeerkan.

QODOBKA 16

Soo ururinta miinada lahaysto

1. Xafiisku marka xeerkan dhaqangalo wuxuu baahinaya war galin qoraal ah oo dad weynaha loogu sheegayo in ay kusoo xareeyaan kuna soo sheegaan miino kasto ay hayaan ama ogyihiin muddo saddex bilood gudohood ah.



2. Wuxuu xafiisku war-gelinaya cid kasta oo ka mid ah, kuwa lagu sheegay Qodobada 8aad ee xeerkan inay soo sheegaan macluumaad sugana kasoo bixiyaan miina kastoo ay u haystaan hay'adahaasi, ama dadkaasi sabab hawshooda la xidhiidha, soona dalbadaan ruqsada kusheegan xeerkan.
3. Markay dhamaato mudada ku xusan faqrada 1aad ee qodobkan, xafiisku wuxuu isagoo kaashanaya ciidamada booliska, sahaminaya goobkasta oo miino taal ama cidkasta oo miino haysato.
4. Xafiisku marka uu helo macluumaadka ku xusan faqrada 3aad ee qodobkan, wuxuu isagoo raacaya Qodobada baadhista, xayiraada iyo qabashada qalabka danbiga ee ku xusan xeerka habka ciqaabta baadhis, xayiraad iyo qabasho ku sameynaaya miino kasta oo la haysto oo aanu xafiisku siin ruqsad xeerka ku xusan ama aanu haysan ciidanka qalabka sida ee qaranku.

QAYBTA 5AAD

WARARKA IYO XOGAHA

Qodobka 17aad

Helitaanka Xogaha Iyo Qoraallada

1. Xafiisku wuxuu awood u leeyahay, isaga oo ogaysiin qoraal ah ugu diraya inuu qof (cid) kasta ka dalbada inuu xafiiska soo siiyo macluumaad ama dhakomentiyoo uu ku cayimo qoraalkiisa, hadii xafiisku rumaysan yahay in qofkaasi xog ama qoraalo ku saabsan hawlaha miinada.

Qodobka 18aad

Ku dhaqmi waa ama bixin warar been ah

1. Qofkasta oo ka baaqsada isaga oo aan cudur-daar macquul ah u haysan inuu u hogaansamo amar ogeysiin ah oo uu xafiisku siiyey ama isagoo ogsoon si kas ah xafiiska u siiya war been ah oo uu ku majara habaabinaayo, waxa lagu ciqaabaya danbiga uu falkiisu waafaqsan yahay ee xeerka ciqaabta.

QODOBKA 19AAD

Masuuliyad madani ah iyo magdhaw

1. Hay'adaha miinada waxka qabta ma bixin karaan war bixin aan sugnayn, oo ku saabsan miinada.
2. Haddii hay'ada miinada waxka qabataa soo saarto war bixin khaldan oo ah in goob laga dhameeyay oo aanay khatar miino lahayn goobtaasi, cidkasta oo marka kadib dhibaato miino kasoo gaadho, waxa masuuliyadeeda leh oo ka jawaabaysa khasaaraha miinadu keento hay'adii warbixintu soo saartay.
3. Hay'adkasta oo kuwa miinada waxka qabta oo goob miinaysan calaamad ku waaya ama xayndaab ama deyr dadku kaga beydho ama astaan uga digta ku sameyn waya waxay ka msuul noqonaysa waxyeelada miinadaasi gaysato madani ahaan.

Qodobka 20aad

Dhaqan-galka xeerka

Xeerkani wuxuu dhaqan galay marka golaha baarlamaanku ansixiyo (Golaha Wakiilladu iyo guurtida) M/weynuhuna saxeexo

ALLAA MAHAD LEH

Md. Cabdiraxmaan Maxamed C/laahi (Cirro)

Maxamed Xasan Kaahin (keysa)

Guddoomiyaha Golaha wakiillada JSL

Xoghayaha Guud ee G/wakiillada

